

TRACTATIO
QVA
LUPANARIA,


VULGO
Suren = Säuser,

EX
PRINCIPIIS MEDICIS IMPROBANTUR;


AUCTORE
GEORGIO FRANCO,

MED. ET PHILOS. DOCT. AC PROFESSORE IN ACAD.
HEIDELBERGENSI QUONDAM CELEBERRIMO,

PUBLICÆ IBID. VENTILATA 1674.



HALÆ MAGDEBURGICÆ,
E Typographéo Joh. Christ. Heudeliū, 1743. (3)





B. C. D.

§. I.



Unquam defuerunt ingenia, quorum dicam luxuria an acumine actiunculæ sunt institutæ de rebus modo vilibus modo plane noxiis; quibus vel laudem; vel laudis speciem comparare sunt annisi. Laudarunt ISOCRATES Busiridem tyrannum, GORGIAS *Leontinus* Helenam adulteram; FAVORINUS Therfiten monstrum istud hominis, THRASYMACHUS (ap. PLATON. *in dial. 1. de Rep.*) injustitiam, HEGENDORPHINUS, BUCOLDIANUS atque TURNERUS ebrietatem; LUCIANUS muscam, PICUS Mirandulæ Comes barbariem; I. DOVSA umbram; SYNESIUS Calvitiam; PASSERATIUS Coccitam

A 2

tem

tem & asinum; *Matthias* CZANAKIUS scabiem; PIRKHAIMERUS, CARDANUS &c. Podagram; INSULANUS febrim quartanam; ERASMUS stultitiam; HEINSIUS pediculos, MAJORAGIUS lutum, *Cælius* CALCAGNIUS podicem, *Carolus* LIEBHARDUS latrinam; immo BRUNO Italus publicitus Wittebergæ Diabolum; ceu habent *C. DORNAVIUS in Encom. Invidiæ p. m. 5. sqq.* HEIDERUS *orat. 2. de vulpeculis Scholasticis p. m. 30. &c.*

§. II.

Quemadmodum vero ejusmodi specimina vel joci vel ostendendi ingenii gratia fuscipiuntur; ita faciliorem merentur veniam; ac isti, qui serio res turpes & noxias vel ob lucellum vel ob alia commendant. Hos inter refero qui LUPANARIA Reip. utilia exclamant, ne scilicet tententur matronæ ac virgines castæ, ne prolis multitudine ad paupertatem familiæ adigantur, & si quæ nugæ sint aliæ, uti fecerunt *Arnold. CLAPMAR. l. 4. de arcan. rerump. cap. 19. Scipio* AMIRATUS *l. 3. dissert. polit. in Tacit. discurs. 2. &c.* Et eadem concedenda esse, videntur affirmare quoque THOMAS, *12. q.*

101. a. 32. it. 22. q. 10. art. 11. & P. GREG. Tholos. 14. de Rep. c. 1.

§. III.

Quin immo in proclivi sunt varia exempla vetera, recentia. Apud gentes passim tolerabantur BALDUIN. *Cas. Consc. l. 4. c. 12. cas. 18.* Ancon fuit locus Sardis voluptatum ministeriis paratus, in quo popinæ, scorta atque aliæ id genus deliciæ, ATHENÆUS *l. 12. Dipnos.* Chinenfes ut castissimas suas uxores magis conservent illibatas, publica permittunt Lupanariâ, & ne probis scandalum præbeatur, ea aperiunt extra urbem, vel in suburbiis & ne in publicum prod-eant cohibentur. *Job. de MENDOZA de Chin. l. 3. c. 20. p. 152.* Olim in prædiis urbanis solebant esse, & quidem etiam multorum honestorum virorum prædiis exercebantur, ULPIAN. *l. ancillarum 27. ff. de Her. pet.* (quod tamen merito improbat LANSIUS *orat. contra Ital. p. 833.*) In Italicis Civitatibus passim haberi publica Lupanaria scribit DAVID FRÖLICH. *Viator. p. 1. l. 3. p. m. 419.* Adeo ut publicis vectigalibus elocentur. M. CHEMNITIUS *p. 3. Exam. Concil. Trid. atque Lamb.*

DANÆUS *l. 2. Ethic. Christ. c. 15.* ap. CARPZOV. *prax. Crim. p. 2. q. 70. n. 10.* Maxime Romæ testibus SCHÖNBORN. *polit. l. 3. c. 13.* & BALDUIN. *l. a.* sic A. C. 1620. Romæ numeratæ fuerunt 1402. meretrices publicæ, vide ap. LIMNÆUM *additt. ad lib. 9. c. 1. n. 86.* Et Pontif. ex Roman. in fiscum suum annuatim ultra 3000. coronatorum pro lactis censu, quem vulgo dicunt *Milch-Zinse*, oder *Huren-Zoll*, a clero scortisque accipit, ceu ex *Joh. GERHARDO in loco de Ecclesia p. 1190.* & B. MEISNERO allegat CARPZOV. *Prax. Crim. p. 2. q. 70. n. 7.* „ Veneti e Germania olim quotannis „ certo stipendio meretriculas conducebant, „ quæ vulgi prostarent libidini, juxta carni- „ ficinam publicam, ubi D. Matthæi fanum „ est. Cæterum ea fuit Venetarum mulie- „ rum docilitas, ut Barbaris nunc non sit o- „ pus scortillis, quin reipsa ostenderunt, si- „ ve copiam, sive artem meretriciam spe- „ ctes, *κρείττονας εἶναι διδασκάλων μαθητῶς*, EGNATIUS *l. 6. c. 1.* Ibi quoque *Signori de la Sanità* habent matriculam vel catalogum meretricum: vide ap. LIMN. *l. a.* Quod etiam Neapoli, ubi ultra 50000. fieri dicitur, scortaque de-

debet nomina sua profiteri & certam pecuniam persolvere, LIMN. *l. c.* In *Urbe Parisiensi* olim prostibula & lupanaria in ultimis partibus civitatis erant certis locis finita: hodie vero exinde contagio per omnia urbis viscera diffusa, maxime referta est ejusmodi mercibus, ceu ex *Nic.* a SALIS allegat SPEIDEL. *obs. f. m. 614.* *Cracoviæ* quoque haberi refert FRÖLICH. *l. c.* Campegius Cardinalis dixit se scire Germaniæ quorundam Episcoporum hunc esse morem, ut accepta pecunia scortationem suis permittant, ap. Jo. SLEID. *l. 4. de statu relig. p. m. 94. ad An. 1524.* Et quod magis est H. C. AGRIPPA de *Vanit. scient. cap. 63.* ait: Palam videmus, ubicumque sunt magnifica ista templa, & sacerdotum monachorumque collegia, ut, plurimum in proximo esse lupanaria: quin, & plurimæ monialium & vestalium & Beguinarum domus, privatae quædam metricularum fornices sunt, quas etiam monachos & religiosos (ne diffametur eorum castitas) nonnunquam sub monachalicucullo ac virili veste in monasteriis aluisse, scimus. Plerumque autem sunt lupanaria

nararia in civitatis locis obscurissimis, pone
muros & balnea, scribente LOTICH. *nott. ad*
Petron. p. m. 68.

§. IV.

Verum quibus sanctiora sunt præcor-
dia, ii maxime detestantur brutam hanc
sorditudinem. E THEOLOGIS saltim
præter BIBLIA & præcipue GENTIUM
DOCTOREM nominamus LACTANTIUM
l. 6. Inst. div. c. 23. AUGUST. de C. D. l. 14. c.
18. & l. 18. c. 21. TERTULL. l. de anima. ISIDOR.
l. 18. c. 42. & BALDUIN. Cas. Consc. l. 4. c. 12.
cas. 18. Ex POLITICIS & JCTIS KLOCK.
de Ærar. l. 2. c. 146. SCHÖNBORN. CARPZOV.
SPEIDEL. DANÆUM ll. aa. KITZEL. Synops. ma-
trim. c. 9. theorem. 2. CANONHER. l. 2. Discurs.
ad Tacit. Ann. BOCER. l. 2. de illustr. Stat.
& polit. c. 4. p. 193. H. LATHER. de Censu l. 2.
c. 4. n. 34. LIBENTHAL. Coll. Pol. Exerc. II.
q. 13. ZEPPE. in explan. LL. Mosaic. l. 4. c. 18.
f. 456. Et præcipue R. N. zu Grandfurth
de Anno 1548. ac P. D. de Anno 1577. tit. 26.
Ut taceam multos Imppp. e militibus suis lu-
panaria sustulisse, quorum vide exempla
ap. ZWINGER. *theatr. V. H. vol. 9. l. 3. f. m.*
2272. b. seq. a. §. V.

§. V.

Restat ergo ut & Medici suum addant Symbolum; quorum vices vice hac nobis sumsimus donec meliora meliores. Antea vero quam id ipsum præstemus ipsum nomen ex Philologorum monumentis (illa enim præterire mihi fere religio est) eruamus.

§. VI.

Συνομιλιαν præmittimus. *Lupanar* QUINTILIANO (quod CALVINO *Lex. Jur. hac voce f. m. 546.* est locus in quo diversantur meretrices: seu, ubi corpore quæstum faciunt: vel ex BALDUIN. est locus publicus, ubi meretrices & prostibula corpore suo impune quæstum faciunt) it. *Lupanarium l. 21. §. sed si in aliquem ff. de recept. qui arbitr. & l. ancillarum 27. ff. de Her. pet. Gloss. πορνείον*, fornicus, ganeum, lupanarium. ONOMAST. *Lupanar χαμαιτυπείον*. *Lupanaris χαμαιτυπικός*; nempe adjective, sicut AMBROSIVS dixit lupanare consortium ap. MARTIN. *Lexic. Phil.* Dicebatur etiam STABILUM ceu *Job. à WOWEREN ad Petron. Sat. cap. 6.* notat ex

B

PLAU-

PLAUTI *Pæn. l. 2. 57.* Immo PROSTITIBULUM dicatur censentibus ISID. 18. 42. BECMANN. *de orig. LL. p. 473.* & MARTINIO. Sed falluntur, cum ea vox ipsum scortum notet, ait CALVIN. *Lex. Jur. l. c.* SUMMOENIUM quoque vocabatur Romanis, quasi *submoenium*, quia fere sub moenibus esset, inde sunt *Summoenianæ uxores* apud MARTIAL. III. 82. & XII. 32. quæ corpora sua prostituebant scribente BALDUIN. *loc. cit.* THEATRUM audiatur etiam juxta ISID. & alii ex MART. 1. 3. nituntur idem asserere. Verum aliter debemus interpretari, conf. SALMUTH. *ad Panciroll. tom. 1. tit. de Habit. Impp. p. m. 421.* Apud Græcos hæc loca varia fortiebantur nomina. Dicebantur *Cacteria, Celostia, Casalvia, Casauria*, quia meretrices, quæ hæc loca inhabitabant, dicebantur *Casalvæ & Casauræ, Casorides & Casoritæ*, ut annotavit TIRAQUELL. *ad. c. 18. l. 4. Al. ab Alex. G. D.* & ex hoc BALDUIN. Dicebantur etiam MERITORIA, ceu habent *Glossæ Isidori* item MONUMENTA, quia cameræ erant fornicesve ap. C. BARTHIUM *advers. l. 24. c. 13.* it. LUSTRA ceu NON.

MAR-

MARCELL. *c. IV. §. 272.* probat ex PLAUT. *Afin. & Casin.* ex TURPILLIO *in Lindia*, ex AFRAN. *in pivign.* & ex CICER. *Philipp. l. 2.* Habet quoque BARTHIUS *Adv. l. X. c. 2.* quia in principio scorta in silvis seu lustris: dein in urbes translata nomen obtinere speluncæ scortorum. Item ARCUATA videntur dicta; ISIDOR. enim *l. X. lit. F.* inquit. Sub arcuatis prosternebatur fornicatrix, quæ loca *fornices* dicuntur. Item CELLÆ ceu LOTICH. *in nott. p. 69. ad Petron.* probat ex SENEC. JUVENAL. *satyr. 6.* atque MARTIAL. item CELLULÆ uti SENEC. *l. 1. controv. 2.* & HIERONYM. *in Chron. Euseb.*

§. VII.

Dicitur autem Lupanar a lupa, quo nomine primo Faustuli uxor inter pastores ob corporis vulgati vilitatem veniebat vide LACTANT. *l. 1. Inst. div. c. 20.* & HIERON. *l. d.* Notant deinde lupæ omnes eas, quæ quæstum corporis fæda voluptate faciunt pluresque admittunt. Nolo tamen confirmare fabulam *gl. in c. vidua 16. dist. 34.* ubi meretrix est quæ 23000. vel quæ 40. abs-

B 2 que

que tamen mercede admisit allegante WEHNERO *tit. Frauen und Jungfrauen f. 125.* Eamque merito ridiculam & nugatoriam vocat SALMUTH. *l. a.* Rectius vero (ut obiter hoc addam) meretrix dicitur *a merendo* juxta L. VALLAM *l. 3. Eleg. c. 10.* quam secundum *Luc. de PENNA* quod *merendo teratur*, vel secundum *Alber. de ROSAT. in dictionar. Jur. lit. M.* quasi *me retro trahens* a bono opere seu virginitate vel castitate. Alias *Profedæ* dicuntur ex PLAUTO FESTUS *p. 383. Prostibulæ, Prostibula, Alicariæ Id. Diobolares* LAMBIN. *ad Plaut. Pæn. f. m. 608. Sellariæ*, WOWER. *ad Petron. c. 6.* quamvis alii malint *Cellariæ* it. *Nonariæ* ap. PERS. *Sat. 1. v. 133. & ad b. l. FOQUELIN. p. 49.* rationem quoque ex CORNVTO reddit *Balt. BONIFACIVS Hist. Ludicr. l. 12. c. 17. p. 365.*

§. VIII.

Fracto putamine liberius nucleo vescimur, Lupanaria certe improbantur & ex Medicis principiis. Cum enim in fœdissimo loco mares effeminentur, atque justo largiore feminis effusione remollescant;
quid

quid quæso de posteritate sperandum? semen enim generosius generationique idoneum prodigaliter effunditur, sedatoque voluptatis impetu vel matrimonia non appetunt, vel sterilia demum colunt. Conf. B. TIMÆI a Guldenslee *Casus*, & præcipue mares cito sterilefcunt, vid. PLUTARCH. *in vita Lycurg.* Quia semen exhauritur GAL. *l. 1. de sem.* ut & feminæ vid. TIRAQVELL. *l. XV. connubial. §. 68.*

§. IX.

Prodigiola porro seminis rejectio immensas corpori infert ægritudines. Sive enim illud secedat ex toto corpore (DEMOCR. & HIPPOCR. *l. π. γονῆς* ab initio) sive ex cerebro (ALCMÆON) sive a corpore & anima convellatur (EPICURUS) s. a spinali medulla defluat (PLATO & ALCINOUS *de doct. Plat. c. 17.*) s. sit utilissimi sanguinis spuma (PYTHAGORAS) s. ultimi alimenti sanguinei excrementum (ARISTOTEL.) *Conf. H. C. AGRIPP. d. V. S. c. 82.* s. sit sanguis venosus (GALEN. *l. de sem. c. 2.*) s. sit purior sanguinis arteriosi portiuncula (*l. v. HORNE microc. §. 66. & R. de GRÆF. tr.*

de vir. org. gen. p. 74.) sive sit ex venis & arteriis simul (VESAL. *l. 5. de H. C. F. c. 13.*) s. sit mistura ac temperatura ab omnibus animæ facultatibus avulsa (ZENO & PLUTARCH. *l. de ira conducenda citante ROLFINK. med. comm. l. 2. f. 3. c. 103.*) sive e junctis sanguinis & spiritus animalis portionibus constet (Cl. D. BRUNO *Fautor & Amicus carissimus dogm. med. gen. p. m. 61.* WARTHON. *Adenogr. c. 29.* MOEBIUS *ac 1. T. SCHENK.*) sive ex rore (BILSIUS *in resp. ad Epist. Tob. Andreae p. m. 8. s. ex sero* (BARBAT. *de sangv. & sero p. m. 46. seqq.*) s. ex ipsis spiritibus animalibus (CHARLETON. *Oecon. anim. Exerc. X. f. 8. M. F. HERTOD. in Anno 1. Ephem. Acad. Nat. Cur. obs. 4. & Nos in Satyra Med. f. 6.*) ubique tamen illud ejectionem nobilem corporis notat jacturam. Quare manifeste istos lascivos hircos videmus non solummodo pallere, vel ipso *Amorum Magistro* teste *l. 1. de arte amandi circa fin.* & AETIO *retr. 1. f. 3. c. 8.* Sed & calore nimio ardere (amor enim igni solemniter poetis comparatur) inde *tabes & ariditas corporis, virium lapsus; elumbes incedunt, morbisque calidis*

lidis e. g. febribus, mania, phrenitide, pleuritide, peripneumonia, podagra &c. facillime, sed gravissime, corripuntur.

§. X.

Et qui possit fieri aliter? Ista prostibula cuius voluptati patent, quem ad modum

*Noctes atque dies patet atri janua Di-
tis.*

Quare ex effervescencia illa humorum per amoris vagi & lascivi æstrum humores boni absumuntur, vitiosi augentur, aucti adtenuantur, adtenuati facilius inficiuntur, infecti evolant, evolantes apprehenduntur,

- - - *sevamque exhalat opaca Mephi-
tim*

impellex, inficitque omnes qui impuritatem impuritati commiscent, ut inde evadant impurissimi. Hocque in privato scorto sæpe contingit, nedum in publicis lupanaribus, ubi impune

- - - *intra muros peccatur & extra.*

§. XI.

§. XI.

Et cum isti, qui ejusmodi libidinosos congressus depereunt, sint maxime Cholericis; spiritus & consequenter semen igneam fovebit naturam, quod per varias impuras commissiones sordidiorem contrahit putrilaginem, ut dein ipsum scortum & scortatores coinquentur inficiendo semet ipsos; atque ita, ut in proverbio est, Turdus sibi cacet malum. Digni, certe, qui hoc miserabili scortatorum flagello (ceuiluem veneream appellat *FOREST. l. 32. Schol. ad obs. 2.*) egregie castigentur. Hæc etenim unice ex lupanari publico tetricam trahit originem, si credimus, quæ refert *Idem l. a. Schol. ad obs. 1. f. 65.*) eo videlicet tempore, quo Carolus Rex Francorum expeditionem Italicam parabat in Valentia Hispaniæ Tarraconensis civitate insigni cepit, ubi elephantiosus quidam ex equestri ordine miles a nobili quodam scorto noctem 50. aureis emit, ad cujus mulieris concubitum frequens cum juvenus accurreret, intra paucos dies supra 400. inficiabantur, e quorum numero aliqui Carolum

lum Italiam petentem secuti, hoc malum eo importarunt. Originem luis ejus ex abusu scortorum impurorum ob detestandos atque a Deo vetitos concubitus immensamque pollutionem peculiariter traxisse, consentit Celeb. olim Vir *Job. Casp. FAUSIUS*, Antecessor meus, *in disp. de lue venerea*; ut alios complures taceam qui de isto scripserunt morbo, quorum tantum *LINDENIUS de scriptis Med. p. m. 744. seq. ad 88.* auctores numerat.

§. XII.

Et ut per Satyram quasi aliquot commemorem affectus (quis enim effabatur omnes?) qui maxime ex lupanaribus colliguntur; istos brevibus tangam, uberio- rem tractationem reservaturus (si Deus vitam & vires!) alii operi de Scortis.

§. XIII.

Isti ergo cum basin nutritionis & ita vitæ in lupanaribus prodige profundant; quando semen, optimarum partium & spirituum sobolem, copiose rejiciunt; non
C
pos-

possunt non vitam sibi decurtare, mortemque miseram accelerare, citoque senescere, ceu vel olim unanimiter statuerunt ARISTOT. VII. H. A. 1. & l. de long. & brev. vita c. 3. HALI RODOHAM in 3. technes com. 36. CONSTANT. XXII. Geoponic. 4. IBN. RUSCHID. in Canticis com. 156. ABUBETRI RHAZES. ad l. Mansor. l. 4. c. 17. Arnold. de VILLA NOVA in speculo. ALBERT. M. XV. de animal. tr. 2. c. 6. CÆL. RHODIG. XX. L. A. 34. Valesc. de TARANTA l. VI. Pbilon. c. 3. art. 7.

§. XIV.

Multo minus difficiles sumus ad credendum eadem seminis prodigitate (ut LUCILII in Satyr. 6. verbo utar) vires pessundari; prodigosque fieri imbecillos & languidos ac plane dissolvi, ceu ARISTOT. f. 4. prob. 6. & 22. atque C. CELSUS l. 1. c. 1. edocent.

§. XV.

Ob nutrimenti consumptionem, defectum, partes merito conqueruntur; hinc scortatoribus in ipso ætatis flore defluunt
non

non solum capilli sed & palpebrarum cilia
 (qui postremus affectus Græcis μαδάρωσις, μα-
 δαρότης ἢ μιλφωσις dicitur teste *Job. GORRÆO*
in defin. Med. lit. M. & M. SEBIZ. Disp. I.
de pilis probl. V. §. 3.) ceu confirmat sum-
 mus ARISTOT. 3. *H. A. II. & probl. I. §. 4.*

§. XVI.

Ventriculi actiones depravantur, per-
 euntque tam appetitio quam concoctio
 ABUALI IBENTSINA *l. 3. fen. 13. tr. 1. c. 36.* GALEN.
in l. 3. Epid. comm. 1. atque AETIUS *tetrab. 3.*
§. 3. c. 34. & Thom. BARTHOLIN. *Cent. VI.*
hist. 94.

§. XVII.

Maxime autem Cerebro infertur no-
 xa, GALEN. & BARTHOLIN. *l. a.* ut minus
 miremur si ex profusa & maxime turpi
 venere videamus exoriri apoplexiam (VAL.
 MAX. *l. 9. c. 12.* PLIN. *l. 7. c. 53.* PONTAN. *l. de*
Obedientia cap. 10. plura ap. ZWINGER. *theatr.*
V. H. f. 531. seqq.) epilepsiam, tremorem,
 memoriæ nisi plane defectum, tamen imbe-
 C 2 cilli-

cillitatem; paralyfin, maniam, phrenitidem & plurima alia mala.

§. XVIII.

Nocet itidem oculis impurior iste concubitus, vid. ARISTOT. 2. *G. A. 5.* & MANARD: *l. 6. Epist. 4.* renibus, ARISTOT. 4. *probl. 2.* capiti, ORIBAS. *l. 1. Euporist. c. 22.* Cordi, hepati, pulmoni &c. vid. TIRAQUELL. *ad l. XV. connub. n. 43. seqq.* & Thom. BARTHO-LIN. *Cent. VI. hist. 94.*

§. XIX.

Instar omnium vero recensero notabile ex FORESTO *l. 26. obs. VI.* exemplum: Sartor quidam Delphensis 29. ann. procerus, niger & robustus, neglecta uxore cum muliere alia infecta ex foetida & vetita venere contraxit sibi in pene inflammationem; quod malum dum celabat, inflatione virgæ ac testium augefcente, atque dein chirurgi alicujus imprudentia accedente, fiebat pejus, ut totum membrum virile intra triduum ad esthiomenum perveniret, appareretque nigrum, corruptum &

& quasi mortificatum atque foetens. In gangrænam tandem transibat & per partes putrescebat cum tanto fœtore, ut nemo apud ipsum stare posset, & hoc in tam brevi spacio. Successerunt febris, inflammatio gutturis & apthæ, narium excoriatio, dolor ingens in lumbis, coxis ac femore, singultus per 7. dies atque molesta tuffis. Tandem partes penis corruptæ ab alio chirurgo paullatim amputabantur: immo corruptione aucta, tandem totum membrum virile cataplasmati adhærens, excidit & ablatum fuit; putruitque scrotum, & quod penis adhuc superfuit, usque ad ventrem fuit radicitus resectum; remanentibus tamen testibus plane denudatis, qui tandem denuo carne nova accrescente iterum vestiti sunt, & idem supervixit; atque uxore priore mortua prurientibus testibus alteram duxit, inanis tamen in veneris arena athleta.

§. XX.

Placet eodem FORESTO *l. 26. obs. 20.* hoc superaddere: Nobili Germano 29. ann.

una nocte inter duas puellas lascivienti, cum se vino prius implevisset & plusquam tredecim amplexus expertus esset, subito vena in pectore perrupta fuit. Unde febre ardente cum delirio intra 4. pluresve dies misere nullis remediis juvantibus obiit,

*Vitaque cum gemitu fugit indignata
sub umbras.*

§. XXI.

Adeo vero sunt Cl. SCHÖNBORN. l. 3. polit. c. 13. verba dicentis: *Scorta ista & lupanaria quid aliud in remp. invehunt, quam morbos publice & hereditario grassantes? Quid aliud faciunt, quam ut ex sano insanum, ex robusto invalidum, ex solido erectoque corpore lecto affixum, perpetuisque doloribus arctatum efficiant?* Nimirum qui ex lupanari re infecta domum redeunt ceu jocatur OWENUS in Epigr. 108. lib. 1. reliquos & ita totas familias itidem inficere possunt; quando vel eodem vase bibunt; vel in eadem cloaca desident, vel in uno
accu-

accubant lecto: Immo mariti uxores; hæ-
que illos; utrique infantes & ita porro.

§. XXII.

Quare cum CICERONE *l. 1. de Offic. p. m.*
44. finimus: *Si considerare volumus, quæ
sit in natura excellentia & dignitas, intel-
ligemus quam sit turpe, diffluere luxuria
& delicate ac molliter vivere: quamque ho-
nestum, parce, continenter, severe
sobrieque!*

F I N I S.

